



Broj: 01-14-4-2701 /18
Datum : 11.05.2018 godine

Na osnovu člana 17. stav 2. tačka 9. Zakona o unutrašnjim poslovima Kantona Sarajevo („Sl. novine Kantona Sarajevo“, broj 22/00, 18/02 i 28/02) i člana 14. i 70. Zakona o javnim nabavkama („Službeni glasnik Bosne i Hercegovine“, broj 39/14) – u daljem tekstu: ZJN i preporuke Komisije za javne nabavke Ministarstva unutrašnjih poslova kantona Sarajevo za 2018. godinu, imenovane Rješenjem br 01/5-1-14-4-2073 od 12.03.2018. godine u postupku provođenja tenderske procedure za nabavku izvođenja građevinsko zanatskih radova na izgradnji policijskog objekta Srednje putem otvorenog postupka zaključivanjem okvirnog sporazuma, ministar unutrašnjih poslova Kantona Sarajevo, **d o n o s i:**

ODLUKU
o izboru ponuđača za nabavku izvođenja građevinsko zanatskih radova na izgradnji policijskog objekta Srednje putem otvorenog postupka zaključivanjem okvirnog sporazuma

I

Na osnovu obavještenja o nabavci broj 1364-1-3-10-3-14/18 od 06.04.2018. godine, proveden je otvoreni postupak javne nabavke izvođenja građevinsko zanatskih radova na izgradnji policijskog objekta Srednje putem otvorenog postupka zaključivanjem okvirnog sporazuma. Komisija je shodno Zakonu o javnim nabavkama, primjenjujući kriterij "najniža cijena" zapisnikom o pregledu i ocjeni ponuda dala preporuku da se donese Odluka o dodjeli Ugovora :

Ponuđaču GTR gradnja d.o.o., Mostar sa ukupnom vrijednosti ponude 325.804,16 bez PDV-a odnosno 381.190.87 KM sa PDV-om.

II

Po okončanju roka za žalbu, ugovorni organ će pozvati izabranog ponuđača radi zaključivanja Ugovora o javnoj nabavci, kojim će se regulisati međusobna prava i obaveze.

III

Ova Odluka stupa na snagu danom donošenja.

Obrazloženje

Na osnovu Odluke o pokretanju postupka broj 01-14-4-2708 od 29.03.2018. godine i obavještenja o nabavci broj 1364-1-3-10-3-14/18 od 06.04.2018. godine, proveden je otvoreni postupak javne nabavke izvođenja građevinsko zanatskih radova na izgradnji policijskog objekta Srednje, putem otvorenog postupka uz predviđeno zaključivanje okvirnog sporazuma.

Komisija konstatuje da je na osnovu Obavještenja o nabavci broj 1364-1-3-10-3-14/18 od 06.04.2018. godine, proveden otvoreni postupak prikupljanja ponuda za nabavku izvođenja građevinsko zanatskih radova na izgradnji policijskog objekta Srednje, te javno otvaranje ponuda dana 04.05.2018.godine sa početkom u 12,00 sati, što je konstatovano zapisnikom sa otvaranja ponuda od 04.05.2018.godine.



Dostavljanje zapisnika sa otvaranja ponuda je izvršeno prema učesnicima postupka nabavke u zakonskom roku.

Na oglas o javnom nadmetanju, a prema Zapisniku sa otvaranja ponuda od 04.05.2018. godine, Komisija konstatuje da je ponudu dostavilo tri ponuđača i to:

Ponuđač GTR gradnja d.o.o ,Mostar,
Ponuđač Almy gradnja d.o.o ,Zenica i
Ponuđač Debos d.o.o Sarajevo.

Nakon izvršenog otvaranja ponuda, Komisija je pristupila analizi dokumentacije priložene uz ponudu u smislu provjere njene validnosti obzirom na iskazane zahtjeve Ugovornog organa u tenderskoj dokumentaciji, odnosno vrednovanju ponuda u skladu sa procedurama i pravilima utvrđenim tenderskom dokumentacijom, ZJN i pripadajućim podzakonskim aktima.

Predmet provjere bili su:

(Tehnička i profesionalna sposobnost u postupku nabavke radova) tačke: a) i e) ZJN dostavljeni su traženi elementi; uspješno iskustvo u realizaciji najmanje tri (3) ugovora čiji je predmet izvođenje radova odnosno isti ili sličan predmetnoj nabavci, čija ukupna vrijednost pojedinačnih ugovora ili jednog ugovora je jednaka minimalno iznosu procjenjene vrijednosti predmetne nabavke u posljednje tri (3) godine, spisak izvršenih ugovora u skladu s članom 48. stav (2). ZJN i podatke o tehničkoj opremljenosti i osposobljenosti, izjava o tehnički angažovanom osoblju i odobrenje Federalnog Ministarstva prostornog uređenja za izvođenje građevinsko zanatskih radova.

Komisija je pristupila provjeri kvalifikacije ponuđača u skladu sa minimalnim zahtjevanim kvalifikacionim uslovima koje ponuđači treba da ispunjavaju. Ovom fazom evaulacije provjerava se ispunjenost zahtjeva koji su preduslov za pristupanje ocjeni ponuda, a koji se odnose na: ispunjenje uslova u skladu sa članovima 45., 47., 51., 52. i 67. Zakona;

Ponuđači koji se pozivaju na preferencijalni tretman domaćeg, dužni su kao dokaz dostaviti (kumulativno) sljedeće isprave: potvrdu ili uvjerenje Vanjskotrgovinske komore Bosne i Hercegovine o sticanju uvjeta za dobivanje sertifikata o BH porijeklu robe ili nadležne entitetske privredne komore (Federacije i Republike Srpske), odnosno Distrikta Brčko. Ponuđači su takođe bili dužni dostaviti i popunjeni nacrt ugovora.

Ponude sva tri ponuđača sadrže sve elemente tražene tenderskom dokumentacijom: Ovjerene Izjave ponuđača po članu 45., članu 47., članu 51., članu 52. i članu 67.

Pregledom i analizom dostavljene dokumentacije ponuđača, Komisija je utvrdila da ponude sva tri ponuđača sadrže sve elemente tražene tenderskom dokumentacijom, odnosno da ispunjavaju formalno sve pravne, ekonomske i tehničke uslove, te da su prihvatljive za Ugovorni organ i da mogu biti predmet daljeg vrednovanja shodno utvrđenim kriterijima u Obavještenju o nabavci, odnosno tenderskoj dokumentaciji.

Polazeći od gore navedenih konstatacija i činjenice da je ponuda sva tri ponuđača prihvatljiva u pravnom, tehničkom i ekonomskom smislu te da ispunjavaju zahtjeve ugovornog organa sa bitnim elementima ponude te da je iz obrasca za cijenu ponude vidljivo sljedeće:

1. Ponuđač GTR gradnja d.o.o, Mostar cijena 381.190.87 KM sa PDV-om, rok izvršenja radova od momenta potpisivanja ugovora i uvođenja u radove 120 dana, garancija na izvedene radove 24 (dvadeset i četiri) mjeseca od dana prijema radova i plaćanje 15 dana od dana izvršenja radova i ispostavljanja fakture.



web: <http://mup.ks.gov.ba>
e-mail: kabinet@mup.ks.gov.ba
Tel: + 387 (0) 33 286-701, Fax: + 387 (0) 33 226-445
Sarajevo, La Benevolencija br.16



2. Ponuđač ALMY gradnja d.o.o, Zenica cijena 407.048.94 KM sa PDV-om, rok izvršenja radova od momenta potpisivanja ugovora i uvođenja u radove 120 dana, garancija na izvedene radove 24 (dvadeset i četiri) mjeseca od dana prijema radova i plaćanje 30 % avans, ostatak po ispostavljenim privremenim situacijama od dana isporuke robe i ispostavljanja fakture.

Ponuđač DEBOS d.o.o, Sarajevo cijena 534.454.40 KM sa PDV-om, rok izvršenja radova od momenta potpisivanja ugovora i uvođenja u radove 120 dana, garancija na izvedene radove 24 (dvadeset i četiri) mjeseca od dana prijema radova i plaćanje 30 dana od dana ispostavljanja fakture. Predmetna ponuda znatno prelazi procjenjenu vrijednost predviđenu planom nabavke i tačkom 1.6.2. tenderske dokumentacije.

Provjeravani su način uvezivanja ponude, primjena propisane forme ponudbenih dokumenata, validnost ponude, njen potpis i ovjera, te je izvršen pregled i provjera garancija, obrazaca i drugih dokumenata kao i računska ispravnost ponuda.

Pregledom i analizom dostavljene dokumentacije ponuđača, Komisija je utvrdila da ponuda ponuđača GTR gradnja, d.o.o., Mostar sadrži sve elemente tražene tenderskom dokumentacijom te da je istoj data prednost samo po osnovu kriterija - najniža cijena.

Shodno utvrđenom činjeničnom stanju, **Komisija jednoglasno daje preporuku** Ministru Ministarstva unutrašnjih poslova Kantona Sarajevo da donese **Odluku o dodjeli Ugovora za ponuđača GTR gradnja, d.o.o., Mostar.**

Cijeneći naprijed navedeno riješeno je kao u dispozitivu.

POUKA O PRAVNOM LIJEKU:

Protiv ove Odluke dopuštena je žalba koja se podnosi Ugovornom organu u roku od 10 (deset) dana od dana prijema Obavjesti, a u skladu sa članom. 99. i 101. Zakona o javnim nabavkama.

DOSTAVITI:

1. Sekretaru MUP KS
2. Uprava podrške
3. Komisiji za nabavke
4. Odjeljenje za odnose sa javnošću,
5. Ponuđačima,
6. a/a



web: <http://mup.ks.gov.ba>
e-mail: kabinet@mup.ks.gov.ba
Tel: + 387 (0) 33 286-701, Fax: + 387 (0) 33 226-445
Sarajevo, La Benevolencija br.16

